



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-221-4/21**

Datum: **16.06.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica, «DRVO-STILS» d.o.o. Zavidovići za donošenje rješenja o vodnoj dozvoli za ispuštanje tehnoloških otpadnih voda sa lokaliteta samouslužne autopraonice «Loko» izgrađene u ulici Zlatnih ljiljana u Zavidovićima, na osnovu člana 110. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica, «DRVO-STILS» d.o.o. Zavidovići za donošenje rješenja o vodnoj dozvoli za ispuštanje tehnoloških otpadnih voda sa lokaliteta samouslužne autopraonice «Loko» izgrađene na zemljištu označenom kao k.č. broj: 1573/1 K.O. Zavidovići, općina Zavidovići, s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovaj Zaključak može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «DRVO-STILS» d.o.o. Zavidovići, ovoj Agenciji je dana 19.05.2021. godine, podnesen zahtjev za donošenje rješenja o vodnoj dozvoli za ispuštanje tehnoloških otpadnih voda sa lokaliteta samouslužne autopraonice «Loko» izgrađene u ulici Zlatnih ljiljana u Zavidovićima.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 032-0-Reg-20-000862 izdatog dana 23.09.2020. godine od strane Općinskog suda u Zenici,
- Ovjerena kopija Uvjerjenja o registraciji obveznika poreza na dodanu vrijednost broj: 04/5-1/IV-17-1-5684-4692/05 izdatog dana 102.11.2005. godine od strane Uprave za indirektno -neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema djelatnosti, broj: 04-32.5-1-4218180620001/02 izdatog 09.12.2002. godine od strane Službe za statistiku za područje Zeničko-dobojskog kantona,
- Kopija Rješenja o urbanističkoj saglasnosti, broj: 06/20-23-2951/19-UP-1-2 izdatog 09.07.2019. godine od strane Službe za upravu geodetskih, imovinsko-pravnih poslova i urbanizma općine Zavidovići,
- Kopija Rješenja o odobrenju za građenje, broj: 06-23-3739/19-UP-1-3 izdatog 07.10.2019. godine od strane Službe za upravu geodetskih, imovinsko-pravnih poslova i urbanizma općine Zavidovići,
- Kopija Rješenja o upotrebi, broj: 06-23-4663/19-UP-1-5 izdatog 10.12.2019. godine od strane Službe za upravu geodetskih, imovinsko-pravnih poslova i urbanizma općine Zavidovići,
- Kopija Potvrde o priključku autopraonice na javni kanalizacioni sistem, broj: 1044-450-03/21 izdate 19.05.2021. godine od strane JKP «Radnik» d.o.o. Zavidovići,

- Glavni projekat samouslužne autopraonice, broj: I-157-07/19 urađen jula 2019. godine od strane «ATRUIS» d.o.o. Živinice,
- Dokaz o uplati administrativne i upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari. U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20) izvršen je obilazak predmetnog objekta i tom prilikom je sačinjen Zapisnik o uviđaju broj: UP-I/25-3-40-221-3/21 od 09.06.2021. godine.

Na osnovu dostavljene dokumentacije utvrđeno je sljedeće:

Samouslužna autopraonica «Loko», montažno-demontažnog tipa, sa šest boksova za pranje auta i ostalim pratećim sadržajima izgrađena je u ulici Zlatnih ljiljana u Zavidovićima.

Tehnološke otpadne vode nastale pranjem auta prikupljaju se i odvođe na tipski separator ulja i masti sa prelivom u javnu kanalizacionu mrežu kojom upravlja JKP «Radnik» d.o.o. Zavidovići.

JKP «Radnik» d.o.o. Zavidovići posjeduje Rješenje o vodnoj dozvoli za ispuštanje komunalnih otpadnih voda u površinske vode broj: UP-I/25-3-40-085-4/20 izdato dana 01.06.2020. godine od strane «Agencije za vodno područje rijeke Save» Sarajevo u kojem su utvrđeni uslovi pod kojima se isto izdalo, a koje je operator dužan ispunjavati u toku važenja Rješenja.

Iz razloga naprijed navedenih, a u skladu s članom 110. stav (3) Zakona o vodama («Službene novine Federacije BiH», broj 70/06) i članom 218. stav (2) Zakona o upravnom postupku («Službene novine Federacije BiH», broj 2/98 i 48/99) riješeno je kao u dispozitivu Zaključka.

Podnosilac zahtjeva je uplatio upravnu i administrativnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Podnosilac zahtjeva je uplatio i posebne troškove shodno Zaključku ove Agencije, broj: UP-I/25-3-40-221-2/21 od 08.06.2021.godine

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
 Rukovodilac sektora za izdavanje vodnih akata

 Haris Ališehović, dipl.ing.građ.

Dostaviti:

- «DRVO-STILS» d.o.o. Zavidovići
 Ul. Čumurana bb, 72220
- ➔ AVP, ISV – Vodna knjiga
- Sektor 40, arhiva
- Sektor 50
- Oglasna ploča, AVP Sava